

## განმარტებითი ბარათი

### საქართველოს კანონის პროექტის „საქართველოს საბიუჯეტო კოდექსში ცვლილების შეტანის შესახებ“

#### ა) ზოგადი ინფორმაცია კანონპროექტის შესახებ:

##### ა.ა) კანონპროექტის მიღების მიზეზი:

საქართველოს საკანონმდებლო სივრცეში, კერძოდ „ლიცენზიებისა და ნებართვების“ კანონში სათანადო ცვლილების შეტანის გზით, შემოდის ახალი სახის ნებართვა - საქართველოს დედაქალაქში მსუბუქი ავტომობილით-ტაქსით (M<sub>1</sub> კატეგორია) გადაყვანის განხორციელება. აღნიშნულიდან გამომდინარე საჭიროა შესაბამისი ცვლილების შეტანა „საქართველოს საბიუჯეტო კოდექსის დანართში.

##### ა.ბ) კანონპროექტის მიზანი:

კანონპროექტის მიზანია ტაქსების სფეროს რეგულაციიდან გამომდინარე საქართველოს კანონში შემოსულობების საქართველოს სახელმწიფო, აფხაზეთისა და აჭარის ავტონომიური რესპუბლიკების რესპუბლიკურ და ადგილობრივი თვითმმართველი ერთეულების ბიუჯეტებს შორის განაწილება.

##### ა.გ) კანონპროექტის ძირითადი არსი:

ცვლილება შედის საქართველოს საბიუჯეტო კოდექსის დანართში და ცხრილის 33 გრაფის შემდეგ ემატება ახალი, 33<sup>1</sup> გრაფა, რომლის თანახმადაც საქართველოს დედაქალაქში მსუბუქი ავტომობილით-ტაქსით (M<sub>1</sub> კატეგორია) გადაყვანის ნებართვის გაცემიდან მიღებული თანხები მიიმართება თბილისის მუნიციპალიტეტის ბიუჯეტში.

##### ბ) კანონპროექტის ფინანსური დასაბუთება:

ბ.ა) კანონპროექტის მიღებასთან დაკავშირებით აუცილებელი ხარჯების დაფინანსების წყარო:

კანონპროექტის მიღება არ გამოიწვევს აუცილებელი ხარჯების გამოყოფას.

##### ბ.ბ) კანონპროექტის გავლენა ბიუჯეტის საშემოსავლო ნაწილზე:

კანონპროექტის გავლენა ქ.თბილისის ბიუჯეტის საშემოსავლო ნაწილზე უკავშირდება „ლიცენზიებისა და ნებართვების“ კანონში შეტანილ ცვლილებას საქართველოს დედაქალაქში მსუბუქი ავტომობილით-ტაქსით (M<sub>1</sub> კატეგორია) გადაყვანის ნებართვის შემოღებასთან დაკავშირებით.

##### ბ.გ) კანონპროექტის გავლენა ბიუჯეტის ხარჯვით ნაწილზე:

კანონპროექტის მიღება გავლენას არ მოახდენს სახელმწიფო და მუნიციპალიტეტების ბიუჯეტების ხარჯვით ნაწილზე.

##### ბ.დ) სახელმწიფოს ახალი ფინანსური ვალდებულებები:

კანონპროექტის მიღება არ წარმოშობს სახელმწიფოს ახალ ფინანსურ ვალდებულებებს.

**ბ.ე) კანონპროექტის მოსალოდნელი ფინანსური შედეგები იმ პირთათვის, რომელთა მიმართაც ვრცელდება კანონპროექტის მოქმედება:**

კანონპროექტის მიღება არ მოახდენს უარყოფით გავლენას.

**ბ.ვ) კანონპროექტით დადგენილი გადასახადის, მოსაკრებლის ან სხვა სახის გადასახდელის ოდენობის განსაზღვრის წესი (პრინციპი):**

კანონპროექტის მიღებით არ დგინდება გადასახადი, მოსაკრებელი ან სხვა სახის გადასახდელი.

**გ) კანონპროექტის მიმართება საერთაშორისო სამართლებრივ სტანდარტებთან:**

**გ.ა) კანონპროექტის მიმართება ევროკავშირის დირექტივებთან:**

კანონპროექტი არ ეწინააღმდეგება ევროკავშირის დირექტივებს.

**გ.ბ) კანონპროექტის მიმართება საერთაშორისო ორგანიზაციებში საქართველოს წევრობასთან დაკავშირებულ ვალდებულებებთან:**

კანონპროექტი არ ეწინააღმდეგება საერთაშორისო ორგანიზაციებში საქართველოს წევრობასთან დაკავშირებულ ვალდებულებებს.

**გ.გ) კანონპროექტის მიმართება საქართველოს ორმხრივ და მრავალმხრივ ხელშეკრულებებთან და შეთანხმებებთან:**

კანონპროექტი არ ეწინააღმდეგება საქართველოს მიერ ორმხრივი და მრავალმხრივი ხელშეკრულებებით და შეთანხმებებით ნაკისრ ვალდებულებებს.

**დ) კანონპროექტის მომზადების პროცესში მიღებული კონსულტაციები:**

**დ.ა) კანონპროექტის შემუშავებაში მონაწილე სახელმწიფო, არასახელმწიფო ან/და საერთაშორისო ორგანიზაცია (დაწესებულება), ექსპერტი, ასეთის არსებობის შემთხვევაში:**

კანონპროექტის შემუშავებაში მონაწილეობა არ მიუღიათ სახელმწიფო, არასახელმწიფო და საერთაშორისო ორგანიზაციებს, ექსპერტებს.

**დ.ბ) კანონპროექტის შემუშავებაში მონაწილე ორგანიზაციის (დაწესებულების) ან/და ექსპერტის შეფასება კანონპროექტის მიმართ, ასეთის არსებობის შემთხვევაში:**

ასეთი არ არსებობს.

**ე) კანონპროექტის ავტორები:**

საქართველოს პარლამენტის წევრები კახაბერ კუჭავა და ნინო წილოსანი

**ვ) კანონპროექტის ინიციატორები:**

საქართველოს პარლამენტის წევრები კახაბერ კუჭავა და ნინო წილოსანი